



火中蓮

行印局書 中華

# 火中蓮

活動寫眞其功用實與小說等而活潑變幻足以鼓動觀者興趣則尤過之惜其影片中人不能言語惟賴表情顯示及起首說明中間插入一二書函以補不足但亦非嫋熟歐文者不及瀏覽無遺得悉窺要而其情節則又趨重滑稽第取閨堂鼓掌實於世道人心殊罕補益故予竊嘗引以爲憾一昨偶見火中蓮一劇描寫社會中人隱謀詭計自取煩惱之狀不啻各自其口出卒致自焚其身同歸於盡殊足以警醒世人雖其禮俗不同而召禍福則一爰爲體貼影片中人之心理一一使其能言活現紙上倘亦爲愛讀小說喜觀影戲

者。所。共。賞。歟。丙。辰。二。月。作。於。金。沙。

## 第一章

一日爲仲夏之晨。朝曦破煙靄而出。燦爛如黃金。照射於大獄穹門之上。獄牆已剝落。磚色黯黃。皴皺如老嫗之面。遙聞鐘聲方作七下。鏗鏘若金石。似爲獄中人宣布好音。獄門乃應聲而啓。一老人。卒出最先。龍鍾之態。適與頽獄相稱。其後接蹤而出者。七人。此七人。蟄居沉沉黑獄之底。已不知歷幾何時。至是乃始得覩天日。故一出門。即以手自拭其眸。面上都現慘笑。此一笑中。苦樂蓋參半。也。時獄外已有多人。佇待一見。諸人出。則立奔而前。各持所親涕泣。相慰藉。語乃煩縟。至不勝記。其先一人。爲男子。狀至頽喪。時方與其妻子。相持而泣。其第二人。則爲女子。與一婦人。互相慰問。次

出者乃少年面色獨殘酷無倫方出門即有一女郎忻呼而前欲與少年爲禮而少年竟拒之昂然隨衆人向大道而去女郎觀狀則大悲亦垂首自去維時守門之老卒方坐石凳上日覩諸人怨喜之態用以爲樂直至諸人去遠乃始徐徐起立忽又有一女郎跳躍而出其得意之態乃與前此諸人大異老卒亦不禁一愕迴顧門外則已有一男子鶴立而待其人衣裳破舊而領上加以金銅鑽針蓋寶鼎也見女郎出頗現跋踐之態欲前不前而女郎則露鄙夷之容傲不與之爲禮其人乃呼曰嘉露君已出獄耶君容幸不憔悴吾心至慰吾前不告君君一出獄吾卽來相迓今吾來矣嘉露聞語則微哆其唇冷笑曰已而卽汝不來吾豈不能自爲其巢且前此置吾於黑獄之中君亦與有力焉吾當永矢勿譖以

誌。君德。少年聞語。則狀益跼促。無能爲答。嘉露復笑曰。汝何必作此態。今吾渴已。欲死汝可引予至就近酒肆。少飲汝試思人可以握其手。並肩而去。此二人去而吾書中主人亦姗姗出矣。其人蓋一嬌好之女郎。雖居獄中久。乃不減其容色。故卽心如鐵石之老卒。亦復展其皺頰。現爲笑容。曰。姑娘今出獄矣。願君此後得佳運。而然卒女郎聞語。則微抑其蟠螭之頸。不復能答。蓋淚珠已簌簌下矣。老則孤。亦不禁唏噓。遂自掩其鐵門。鐵門一閉。此伶仃之女郎。乃覺負五味。亦將嘗遍。當其父母在日。出身亦復華貴。今則捨身。

上。一。衣。一。冠。及。手。中。半。金。磅。外。更。無。一。毫。長。物。數。小。時。前。女。郎。雖。  
身。居。鐵。獄。然。尙。有。一。棲。息。之。處。今。則。並。此。棲。息。之。處。亦。既。無。之。則。  
覺。茫。茫。大。地。竟。無。其。人。託。足。之。鄉。甯。不。悲。哉。故。在。女。郎。之。意。初。亦。  
未。嘗。望。其。出。獄。以。爲。畸。零。之。人。老。死。於。此。亦。復。相。宜。特。是。不。幸。此。  
十二。月。之。光。陰。轉。瞬。卽。已。過。去。獄。官。竟。唱。其。名。揮。之。使。去。不。復。許。  
其。再。居。獄。中。瀕。行。之。時。贈。以。半。鎊。金。曰。荷。德。汝。在。獄。中。品。行。至。佳。  
宜。得。上。獎。此。半。鎊。金。用。以。錫。汝。汝。可。領。去。又。以。一。券。授。之。曰。此。券。  
汝。歸。倫。敦。時。可。以。免。除。車。費。汝。其。受。之。荷。德。稱。謝。乃。惆。然。出。獄。自。  
念。身。世。飄。零。直。同。水。面。斷。萍。此。後。正。不。知。作。何。歸。宿。其。手。中。雖。有。  
免。費。之。券。可。以。遄。返。倫。敦。然。以。此。券。示。人。不。啻。自。眩。其。醜。凡。人。之。  
身。乃。遭。縲。絏。其。辱。伊。於。何。底。然。捨。此。外。又。無。別。法。手。囊。之。中。縱。有。

半鎊甯不爲此後之計乎。計念至此進退兩難。但其足已不期向車站而行頃之車站已在望。荷德乃徐徐步上月臺執券手中僅露一角欲以示賣票人。旣忽轉念此間人多如海而已獨出此券以示人將毋爲人訕笑。雖此番之禍實遭不白然人又未知其細豈能諒吾終不能逢人告語也。此時忽聞有一笑聲出自腦後。荷德不期而愕。迴首視之則同獄之嘉露與一少年聯步而來。荷德在獄本深惡其爲人乃昂首讀牆上時刻表僞作不見。雖知嘉露行近其身亦不迴視而嘉露則已見之呼曰荷德汝當與吾儕同車矣。言次見荷德不答則佯笑曰姑娘汝在獄中亦不過與吾等耳。今一出獄何遽貴耶。荷德乃回首曰嘉露往事可勿再言吾與君初無夙眚幸勿見訕獄中事言之適以滋辱耳。嘉露曰咄咄此

誠何語。汝豈能必此後即不致再入獄中耶。佳吾行拭目以視汝耳。言次。悻悻而去。荷德目送之遠。忽見賣票之窗竇已扃。火車汽笛已作第三次鳴促。行客上車。荷德乃大窘。自念卽如此上車耶。則此免費之券殊非己所樂用。欲購票則不但囊中僅此半鎊亦已無處可購。旣而轉念。與嘉露同車。亦殊勿欲。不如靜待第二班車再行。因就一鐵椅而坐。但聞汽笛一鳴。車已轆轤而去。轉瞬卽渺。荷德心中乃亦萬念潮起。籌思此後生涯。終不得一良策。其時乃有一少年站長徐步而來。時復昂首前望。似第二次車已將抵站。荷德乃自計曰。吾將以通行券示之耶。辱矣。然則將何如。計念未定。而車已至。時站中乘客僅荷德一人。站長乃卽鳴其警笛。車中汽笛應之。機輪逐逐。將離站。站長忽見女郎尙未上車。則亟曰。

姑娘趣上言次急啟頭等車箱曳荷德之臂令上荷德身不由己竟已上車及至坐定則車已馳矣荷德此番登車出自不意中心萬分感激乃探首窗外遙與站長點首爲謝忽聞身後有一嬌婉之聲曰更遲一秒鐘者君不能登車矣荷德迴視不禁愕然蓋爲此言者乃一女郎狀頗華貴其面貌乃至稔手中方拈一新聞紙展笑以對荷德既見荷德之面則亦詫爲似曾相識旣而思之則於鏡中乃嘗晤面蓋荷德之貌酷似此女郎也荷德至此亦已領悟乃不禁一笑偷非冠服互異則亦疑爲對鏡也蓋此頭等室中捨此二女郎外實無第三人荷德心中因而少慰唯有一念用以不能引決者則今雖幸上車然使查票之人不幸而至者則又將何如其免費之券則已決定不復取出特此半鎊亦足以償頭等

車值乎。念至此。心房乃躍躍不甯。隔座之女郎。見荷德默默無語。則笑曰。君偬促上車。殆受驚矣。荷德漫應曰。然。使更遲一秒鐘者。吾不能上車矣。女郎曰。然。則君之行李如何。荷德自思。舍我一身而外。何嘗更有行李。但亦不可以告女郎。因曰。吾行李已上車矣。言次。側首注視窗外。以避女郎之目。女郎曰。君來正佳。蓋我一路至此。獨坐幾至悶損。今幸得君。亦可少破沉寂。又拍其坐椅曰。曷與予並坐。俾得傾談。荷德無奈。乃移坐其身旁。女郎身材纖弱。與荷德相等。年齡亦相若。故雖萍水相逢。亦如聲珀。唯女郎出身華貴。故言語之中。常有向人命令之狀。面白而眉清。朱唇半啓。微露貝齒。一行語音。乃至妙曼。荷德因而自思。使其人而知己。爲獄中初釋之囚。則其爲狀。又將如何。吾知其不但不加接近。行且避。

之不遑。若將浼焉。當荷德沉思之時。女郎亦復注視荷德。見其梨花之面。時現驚悸不定之色。因低問曰。君頃自何來。荷德被問大懶。復漫應曰。吾來自村間耳。在理吾不當坐頭等之室。特以站長德促推我至此。一時乃不能擇座。因吾力殊不能償頭等之值也。女郎笑曰。此亦無妨。彼車站中人既美意招待至此。則其代價。彼自當爲君償之。車票諒君已得之矣。荷德賴曰。未。女郎詫曰。未。又曰。如是乎。然君亦不必慮。查票人果至。吾當爲君理論。荷德曰謝。君女郎曰。君往倫敦爲訪親友乎。荷德囁嚅曰。否。女郎迭聞荷德吞吐之語。不禁起爲疑訝。因曰。非訪親友。乃爲何耶。荷德曰。吾聞倫敦無事。不可爲吾將往謀生計耳。荷德言至此。無聊殊甚。又恐女郎追求身世。乃還問曰。君赴倫敦當爲訪親友矣。女郎忻然曰。

吾實自地球之對面直來倫敦以覓吾親屬兩日前吾已至蘇星登府在理前日此時吾已可抵倫敦唯吾嫌其長途困頓故殊不願即行且遇一友乃於旅舍中小住兩日至今始克成行吾知倫敦之人必已望眼將穿矣荷德曰君行如許長途乃無一人爲伴耶女郎曰吾生僅有一人捨影而外更焉得伴荷德曰然則君身與吾同爲畸零之人矣能無抱憾女郎笑曰是奚憾吾方以爲獨身自由所往一無羈絆轉較常人爲適耳荷德曰此在多金者固以爲適若貧人則亦何樂女郎點首忻然曰當吾父生時往往視金錢如命唯吾意則殊不然金錢與人猶火車與煤吝煤勿用則車亦無能活動甯足爲訓故吾自受產之後即立一大誓願誓將所蓄金錢以供吾人之活動也荷德曰君已得產耶女郎曰未

也。此產尙在吾父之親友中。吾父告予謂此人雖係表親。但至可信。今必已在倫敦。遄待予至以產授予矣。又曰。女友君亦知坎新敦乎。荷德曰。安得不知。此地實爲貴族所居。女郎曰。誠告君。吾之後見人。卽居此也。言次。啟其手囊。出一信。曰。是矣。坎新敦之愛拉忒場第三號。此卽爲吾父表弟竇文太梯寓所。今吾往必受歡迎。彼蓋生平未嘗一見我也。第於吾父函中。時時下問及予。故予知其愛我深耳。荷德見其忻忻之狀。轉念自己身世。不禁淒楚無可措辭。乃漫言曰。君居倫敦。亦至相宜。其地風景之美。當遠勝於澳洲。女郎曰。然。吾固謂倫敦社會中人。亦當歡迎我耳。汝思以一女郎。而挾多金。旣不吝惜。尤喜周濟。詎有不受衆人之歡迎者。故我之意。一至倫敦。卽當以吾父所遺財產。完全收回。然竇文夫婦爲

予經理多年。其勞績亦不可沒。行當分贈若干。以酬其勞。俾其夫婦亦知琥珀竇雅其人。固不可與凡女子同日語也。荷德曰。君誠天下之善人哉。宜得佳運。女郎忽曰。吾述身世。乃忘君在吾側。以吾思之。君之佳運當亦不下於我。試觀汝黃金之髮。美麗之容。無一不酷似我。則知汝之命運亦必與吾等矣。荷德淒然曰。已而吾生已爲畸零之人。旣無親友。復無希望。安有佳運之可言。女郎詫曰。汝何出此頹喪之語。當知汝我年齡方如蓓蕾之花。但經春風熯熯。拂拂便入佳境。安可作此秋肅語哉。荷德聞語。微微點首。而淚珠熯熯。已綴滿眼角。不欲再作傷感之語。乃復問之曰。君抵車站時。賣文夫婦。當已憑軾而俟。女郎笑曰。否。吾蓋自幼生長澳洲。初未與之一面。吾人旣無特約。標識渠將何從識我。我知其必不驅車。

以逐。荷德無語。但注視車外風景。而心中則念此後之生活。第覺前路茫茫。幾如小舟行於大海之中。殊無涯岸。可尋。良久忽聞一銳利之呼聲。亟迴視。則女郎之手已緊握己臂。面色慘白。乃無人色。荷德大駭。曰何耶。女郎喘息。曰吾心病復作矣。痛欲死。言時斷續。乃不成聲。又曰。吾手囊中有藥。趣飲我三滴。荷德亟啟囊。果見藥罐。乃傾而飲之。且問曰。女友今何如矣。而女郎竟不答。雙目深閉。呼吸已漸微細。蓋此女郎夙有心疾。今以進藥過遲。遂乃不救。但聞太息一聲。此澳洲之女郎琥珀竇雅。竟已長辭人世矣。

此時車行正在最高速度。繁輪震響。無復能聞人語之聲。荷德初欲掣鎗。以召車中執事。告以凶變。既忽念及己身。方自獄中而出。倘使諸人至時。向予盤詰。則此醜事。不將。又。且。宣。露。矧。上。車。以。來。

初未購票。一經察破爲罰。且倍而囊中。箋箋半鎊。將不屬矣。以此躊躇。乃不能決。手中則猶拈藥水之瓶。痴然佇立。默視椅上之女郎。則已雙眸深閉。喘息俱停。無復生望。其椅上所置手囊。則已墮地。荷德乃拾之起。見其一邊滿貯紙幣。而一邊倒置。名刺署爲琥珀。寶雅。荷德不禁自語曰。汝之佳運。乃與命違。汝有財產。而不能享。我則身世飄零。此後死亡。正未卜在何處。天下傷心人。殆無過於汝我二人矣。荷德且言。且探其囊。忽覺有一物觸手冷然。亟取出。則爲鑰匙。一束其上。綰以銀練。荷德此時忽起狂念。念女郎生長。澳洲。彼倫敦之人。初固未嘗相識。則我竟冒其名而行。又誰能識之哉。念至此。乃以手自捧其面。曰。上帝恕予。予非有意欺人事。勢所造。予蓋不得已也。言次。意立決亟。卸自己衣冠。盡與女郎互。

易。而以。己。之。手。囊。掛。之。女。郎。腕。上。並。以。免。費。之。券。納。其。衣。袋。之。中。  
乃。自。言。曰。衣。飾。足。以。易。人。之。容。信。也。琥。珀。寶。雅。汝。今。爲。荷。德。矣。凡。  
我。否。運。願。汝。承。之。言。次。立。拉。鈴。繩。但。聞。汽。笛。一。聲。車。輪。倏。止。車。廂。  
之。門。立。關。早。有。數。人。躍。上。問。誰。曳。鈴。荷。德。抗。聲。曰。拉。鈴。者。予。也。此。  
女。士。病。矣。司。車。人。回。視。女。郎。則。曰。噫。此。人。乃。已。死。耶。荷。德。曰。然。趣。  
延。醫。或。有。救。其。自。攜。之。藥。已。無。效。矣。司。車。人。乃。取。藥。瓶。審。視。而。醫。  
生。已。至。因。取。瓶。中。餘。瀝。辨。之。知。無。毒。且。診。察。曰。其。人。乃。膺。猛。劇。之。  
心。疾。死。且。十。分。鐘。矣。已。不。救。荷。德。曰。嗟。乎。慘。哉。吾。不。能。與。死。者。共。  
此。室。處。願。爲。我。易。一。車。箱。如。何。司。車。人。諾。遂。引。荷。德。至。別。一。車。箱。  
中。且。爲。攜。其。手。囊。既。入。則。室。中。先。有。二。客。在。荷。德。遂。向。空。椅。坐。司。  
車。人。亦。自。去。有。頃。車。復。馳。以。狀。度。之。此。荷。德。之。替。身。殆。已。結。果。矣。